

# طالب لـ نظيف : الفساد فى كل مكان و حاسس إن البلد مش بلدى ، هل بكيت عند غرق العبارة؟

الخميس 1 يناير 2004 12:01 م

05/08/2009

وقف الطالب عبد الله أحمد بطاطو فى مواجهة الدكتور أحمد نظيف، رئيس مجلس الوزراء، وهتف قائلاً: «أشعر بالفساد فى كل مكان وبقيت أنتنفسه ومش حاسس بمقاومة من جانب الحكومة. كل يوم الصبح أحس بالغبرة، وإن البلد مش بلدى. ليه المواطن يشعر أن كرامته بره أو جوه مش موجودة، وهل بكيت سيادتك عند غرق العبارة والجنود اللى بيموتوا على الحدود». وفور انتهاء الطالب من كلمته دوت قاعة المسرح بالتصفيق لمدة تزيد على ٥ دقائق.

كان هذا واحداً من سلسلة المواجهات الساخنة التى دارت بين طلاب الجامعات ورئيس الوزراء فى معسكر إعداد القادة فى بورسعيد مساء أمس الأول، وكانت معظم الأسئلة حول الفساد وبيع القطاع العام وتصدير الغاز لإسرائيل والعلاقة مع أمريكا وإيران وإثيوبيا والغلاء والبطالة. وصل عدد الأسئلة إلى ١٩ بعدد الجامعات المشاركة. واستهل رئيس الوزراء الردود باعترافه بأن الأسئلة كلها فى الصميم، وقال: هى الحكومة المصرية تبقى مين؟ اللى مالوش قريب فى الحكومة يرفع ايده؟ لو الحكومة فاسدة تبقى كلنا فاسدين.. نحن نبذل جهوداً غير عادية لمقاومة الفساد، وفسادنا من نوع مختلف، الفساد اللى عندنا والحمد لله منتشر فى تحت صغيرة.

ووجه نظيف كلامه للطالب عبد الله بطاطو قائلاً: لا يا حبيبي مصر دى كبيرة قوى وإحنا ما بعناش بلدنا إحنا بنينا بلدنا، عايز ادعو زميلنا ده بزور القرية الذكية علشان يعرف مصر، مصر العاشر من رمضان وآلاف الأفدنة التى تصدر البطاطس لأوروبا، مصر زويل ونجيب محفوظ والبرادعى والسادات وجمال عبد الناصر وحسنى مبارك.

المصدر : المصري اليوم